


PI

儋萬崖清湖南山昌化六千戶所旗軍一千二百
名宣德以後漸裁六百名

原設備倭船二十三隻

嘉靖辛亥年船被賊掠軍亦罷設



隆慶元年始設白沙水寨兵船六十隻官兵一千
八百二十二名該欵依把總一員有警合海北
白鴿寨會兵巡剿以本府同知兼管欵降海防
關防

萬曆九年副使唐可封議復備倭官軍分哨防海

以備不虞

萬曆二十一年比例水寨增設兵船一十六隻

萬曆四十二年裁革衛所備倭船本府通判潘大

裁革船隻裁去官軍餉銀以充雜用

萬曆四十五年白沙水寨并前左右司實在兵船

共六十三隻額設官兵一千六百七十二員名

出汛月支銀一千二百三十三兩九錢收汛月

支銀一千一百三十六兩八錢歲共支銀一萬

四千二百四十八兩二錢

總寨兵戰船三十七隻額設官兵九百三十八員

名

四號艚船三隻 五號艚船七隻 六號艚船

二隻 七號艚船五隻 八號艚船五隻

八號長唬檣船十五隻

把總一員 哨官四員 捕盜十七名 舵工

四十九名 斗繚旋招手四十一名 用兵八

百零四名

白沙港兵船二十四隻額設官兵六百零四員名歲

共支銀五千四百一十七兩四錢

舖前港兵船五隻官兵一百四十一員名歲共支

銀一千一百八十三兩四錢

清瀾港兵船六隻官兵一百三十三員名歲共支

銀一千一百九十四兩六錢

石礮港兵船三隻官兵六十員名歲共支銀五百

一十一兩八錢

前司崖州三亞保平感恩港兵船十一隻官兵三

百員名歲共支銀二千五百五十兩六錢

分總一員 哨官二員 捕舵兵二百九十七

名

左司萬陵樂會桐樓博敖港兵船八隻官兵二百

一十四員名歲共支銀一千七百六十五兩二

錢 分總一員 哨官一員 捕舵兵二百一

十二名

右司儋臨昌化博頓新英英潮港兵船七隻官兵

一百七十九員名歲共支銀一千五百七十三

兩四錢 分總一員 哨官二員 捕舵目兵

一百七十六名

國朝設瓊鎮右營遊擊一員守備一員千總二員把

總四員駐劄海口所督練水軍戰船於所部海

面分汛防守

海口牛始白沙港

戰守兵四百五十六名 哨快船一十四隻

舖前港

把總一員 戰守兵一百名 哨快船二隻

清瀾潭門港

把總一員 戰守兵一百五十五名 哨快船三

隻

東水馬泉港

把總一員 戰守兵一百五十名 哨快船三

隻

打造戰船

洪武庚午差中所千戶葉銘後所百戶林茂往

廣打造戰船駕回指揮程興出海備倭成化

辛卯差百戶林富往廣打造戰船駕回備倭據

此則打造戰船以備倭從來舊矣但往省路遠費多人苦梯航且庸劣之官一領官銀輒入私橐以致侵剋工價造不合式板薄釘稀不堪備用萬曆丁巳道府會同叅將詳議批允以後年例打造兵船於白沙寨立廠取材於本地方或轉運於附近吳川等地方專以其責監督於本府海防而分理於賢能委官蓋監視在府則官無浮剋工無惰窳打造於近則人免跋涉船免駕回而查點之規膠舟之虞自不致於貽戾也

沿海衝要

郡城北十里曰白沙港宋設水軍防禦於此明隆慶初始設白沙寨兵船防守與海口唇齒相通舊大舟商船皆住泊焉是瓊治之咽喉也東六十里曰舖前港深廣可容商船凡倭賊常從此入即明時李茂澳黨住泊為患處勢與白沙相倚是瓊治之胸項也

文昌舖前東去二十里至白峙澳四十里至木蘭澳五十里至急水門八十里至抱虎灣一百

里至抱陵港不數里至銅鼓角一帶以來前時
常有賊舟灣泊登岸取水乘間暴掠至於清瀾
一港海門寬濶水道委蛇內達文昌縣治外通
大海蓋瓊州之肘腋最宜加防者也

清瀾南去六十里至馮家灣四十里至曾同哆
南八十里至樂會博敷其為要地更當備守八
十里至萬州那鹿出外洋有南北二澳前賊船
常從此取水四十里至大塘灣六十里至舊陵
水三十里至牛頭嶺突出海口六十里至桐棲

鹽水港六十里至黎菴港四十里至玳瑁澳六
十里至榆林港前常有賊船寄泊宜加防備三
亞一港東至萬州西至昌化東南風發恐有寇
舟登岸搶奪最宜加防三亞一百二十里至崖
州大蛋保平二港上一百二十里有黃流抱駕
二港六十里至鶯哥嘴數十里至吉家澗八十
里至感恩溪田灣又八十里至北黎港三十里
至魚鱗洲皆屬三亞汛地距昌化英潮有百里
焉

郡城西去七十里曰澄邁石礮溪廣可泊舟約
 五十里至馬鼻三十里至石碑又百餘里至臨
 高博頓港有兵船防於此百餘里至儋州洋浦
 三牌石海口入新英港港口有二沙線不識水
 道則壞舟泊船雖穩便但聞警出船不及故明
 朝海上多故皆輪哨船時出海口瞭守今雖海
 不揚波然其中沙線不可不存之以俟衣初之
 備也南去約八十里至海頭港內岸石壁難以
 進舟一百里至烏坭港通昌化城又三十里至

英潮灣亦宜設備

海寇

宋至道間海賊頻年入寇廣南西路轉運使陳堯
 叟宣威德擒服詳名咸淳三年堯盜陳明甫陳
 公發等據臨川鎮稱三巴大王十年堯帥馬成
 旺遣其子撫機應麟總制兵馬申命鈐轄雲從
 龍協贊平之

元至正二十五年海賊麥福來等入寇

詳廣東通志

明洪武五年海寇羅已終寇雷瓊署都指揮僉事

瓊郡志
楊璟督軍追捕千戶汪滿周旺王清等至欽州
烏雷門獲獲稱高等五百八十七人已終爲兵
所殺餘黨悉潰二十年賊登海口指揮花茂奏
設城防守

永樂九年倭攻陷昌化指揮徐茂領軍戍守千戶
王偉戰沒百戶王昇等追至潮州西頭灣獲之
四月賊登陵水崖州百戶王英戰沒十一年二
月百戶尹敬等追賊至獨洲洋陷沒十九年賊
登昌化百戶王玘陳通朱禎等立功二十一年

蒙恩宥放回

宣德八年倭犯儋州昌化指揮高昇督官軍金觀
等守備九年據清瀾千戶陳忠等坐歿

成化二年寇登澄邁石礮海岸備倭百戶項欽戰
敗

弘治四年東路指揮崔畢等巡海獲賊坤喇謝提
等男婦百餘六年八月寇掠陵水南崗殺八副
使翟俊逮繫指揮千戶石英等降級有差十
二年賊登儋州指揮周遠擒獲吳球等十八人

并船隻器械十六年琉球蔡伯烏等出沒東路
地方督備指揮李序捕獲十八年春百戶閔清
巡海追賊至石瓖港戰沒指揮徐爵領軍生擒
一十七人申報給賞

正德八年六月賊劫海洋副使詹璽遣指揮徐爵
督千百戶杜嚴等追至澄邁東水遇風舟覆百
戶王隆溺歿十二年倭掠澄邁臨高指揮徐爵
督軍追至白浦洋大戰賊敗溺歿無算十四年
太坭番船泊榆林港知州陳堯思指揮谷春等

督軍斬獲羅朝田等二十四人

嘉靖元年海賊登昌化鹽場千戶王承祖等

魚鱗洲擒獲十四人奪回被掠解報十三年

賊許折桂寇瓊雷副使徐乾遣指揮王守臣

每捕獲船隻器械十七年七月賊登新潭海

萬州吏目姚汝勵千戶周昂追至獨洲灣

一功并奪回被掠男婦十七名口十九年賊掠

文昌白延地方掠生員林繼統家男婦馮家灣

有一女耻受辱歿之一婦丁氏復赴水歿繼統

歷訖百戶安節戍梧州三十年賊張爾新會人
貸金爲商被劫不歸大肆劫掠犯烈樓石窩指
揮王克振千戶俞宗禦之乃去六月副使方民
悅委指揮陳忠言捕賊與戰自午至申歿之百
戶郁英與馬八月癸酉賊船十隻覆溺自大林
登岸掠至鋪前地方軍士陳進手殺數賊而歿
指揮王克振追戰斬賊者三十二顆獲器械六
十九件九月賊登昌化推官徐邦佐督百戶李
元機哨至海安而還明日賊復駕舟掠儋州巡

檢余森百戶牛應禎督軍不進三十七年八月
賊登澄邁調陳等港副使王會遣指揮王克振
鎮撫陶孟焯百戶周縉等捕賊獲之四十一年
二月千戶崇昇領軍哨海至臨高石碑遇賊擒
斬十餘人奪回被掠九十九人六月賊入清瀾
港指揮李子照不進得客船至殺數十人賊乃
退四十二年春副使宋大武遣千戶崇昇鎮撫
陶孟焯哨海至臨高博頓破賊船二隻斬賊首
十餘顆獲器械四十件九月劇賊劉世釗等寇

雷廉按院陳道基檄叅將戴冲霄指揮高卓王克振千戶崇昇等領軍會雷廉指揮楊烈蔡綱等夾剿烈兵敗被掠諸軍皆潰獨昇所部獲船一隻斬十四人十二月指揮高卓敗賊於埕頭獲大船一隻衝沉三隻斬首二十七顆奪回楊烈及男婦四十三年五月佛朗機駕船二隻泊舖前港海賊施和率眾攻之其船桅折促入內避和遂深入符離等都肆掠指揮高卓召部眾及土舍王紹麟統黎兵與戰賊佯走黎兵追之

陷伏矢盡被殺者二人卓乃單騎破重圍救數人賊靡遁去十四年正月賊何喬等掠昌化英德等邨官軍戰敗被殺者七人署縣教諭王瞻之率鄉兵出禦殺數賊乃遁去十一月海北道畢竟立令賊羅漢卿採珠自贖賊肆大集白沙副使姚士熙遣指揮高卓等分東西哨禦之賊遺熙書曰漢卿等官司剝削駕舟欲往外邦隱跡畢道爺招卿採珠又被責歛差兵不得已回洋今聞官兵欲戰直是虛詐擾民必一鼓掃蕩殘兵弱卒熙得書有懼色乃出崇昇於獄既而吳平寇掠白至賊亦開洋去四十五年正月賊吳平寇掠白

沙等處總兵湯克寬遣指揮高卓出哨而賊已

去崇昇獲賊船一隻於牌尾海四月吳平逼昌

化焚掠鄉邨城外居民三百餘家男婦死者無

美城中得崇昇死守不能入乃去之崖州昇每

率先登陷陣所得悉散士卒故所至克捷甲子

冬副使戴一俊閱操昇射中矢錄言觸一俊監

侯賊始無忌副使世熙乃出之於獄領軍五月

哨海郡中士民保昇防守白沙詳名宦

總兵湯克寬破吳平於崖州擒其妻子及為首

陳二老等八月賊藪大潛寇海上劫掠米商黃

頤等數十人晚登深坭港殺生員雲某掠其子

材及抱虎等處子女數十人而去十二月賊何

喬林容等掠陵水復犯崖州突入大蛋港遠近

騷動復攻抱駕村繼傷甚衆掠數十人去先是

并殘破崖州隆慶元年二月賊曾一本何喬等掠文昌羅頓雲

樓等邨掠百餘人去副使姚世熙坐視不出兵

民怨甚三月指揮石子方見寇猖獗不得已始

招何喬及其部衆林容等引之入城人人皆危

喬至見兵船多復叛出子方懼追之以死與誓

喬乃復回林容等竟不就招而去九月林容犯
臨高殺掠不可勝計攻陵水逼至南河燒殘猶
甚復回臨高攻洋龍包閘等邨大掠至城北而
去冬十月何喬就撫出入城市部省林容肆掠
於外直指王同道慮有他變檄本道擒之姚世
熙以三策屬指揮王克振行藥酒不得近乃責
之石子方不得已置酒延喬遂擒喬等十四人
餘十六賊叛歸林容十二月賊曾一本大鯨至
突入白沙掠推官鄭廷璋家及顏盧盧濃等邨

千餘人至海五十里焚掠一空二年春何喬餘
黨陳高番等出沒海傍山頭等邨殺掠百餘人

先是曾賊深入姚世熙閉門不出水兵把總陶
陵棄寨入城至是世熙又若不聞偵者不復報

矣夏四月林容寇臨高指揮高卓督昌化百戶

李元機等追獲白艚船五隻衝沉二隻奪回被
掠蔡貴等四十五人五月林容夜符登岸包那
木邨掠百人去秋林容率衆百餘倅至教場指
揮張胤芳陳曰然等畏縮不敢出石子方督兵
由西門出禦賊始遁之五里橋兵憲姚世熙登

城潛窺倉皇無措賊衝及子城有屠駝者登屋大呼曰快殺了時只七賊賊驚疑乃去冬十月賊掠雷州槽家等邨掠數百人楊指揮戰敗兵船八隻兵二百餘人俱掠去復犯文昌木欄等處三年四月林容聞總兵俞大猷追曾一本南下乃燒大兵船三隻遁之臨高兵憲史朝宜遣指揮高卓督兵禦之賊復下昌化掠英潮港卓直前破敵擒殺吳德方等十七人閏六月賊大掠瓊山東岸湧潭等邨史朝宜遣指揮王秩高

卓等分道禦之

先是謝某者雇其佃人陳天與至是從賊為二灣主乙卯入麻

錫港直圍其家不能得掠教官謝忠生員林成謝有垣等及湧潭陳邨男婦二百餘人而去

秋七月王秩等用火攻策賊覺力戰譖軍大敗

百戶周縉都指揮陳曰然俱被殺高卓啣刀勒

馬敵賊兵始得脫又聞程希武在神電欲往攻

之甲申遂開洋去自泊麻錫港凡三十日殺掠

兵民數百人賊許瑞遁泊陽江已亥林容大船

至放鷄山見船數隻引帆就之瑞舟不動即拋

火筒過船容敗舟溺被擒容黨蘓人李茂等枚

集餘衆遁之臨高九月賊林鳳駕十八艘入清
瀾指揮崔世承兵潰被殺十二月賊許瑞率至
府城外同知陳夢雷躬至教場置酒款待兵民
稍定尋復出擾城市夢雷不能禁瑞黨大肆士
夫民庶多棄城去後瑞往北冲巡崖等處抄掠
被橫江客船截殺百餘人四年春二月太守周
思久諭賊許瑞回籍思久初視事瑞具禮入見
思久叱不許入尋示以三
策曰爾既就撫苟能沿海殺賊立功致位通顯
上也不則反旆湖陽歸耕隴上省墳墓築親黨
而終天年次也若觀望不進逗遛不遇有不知
其所終者瑞報從中策而去瓊民始得安堵

五月蕪大李茂等西寇澄化東掠萬陵兵志史
朝宜親下萬州督兵剿之六月容黨駕六下艘
乘風自澄邁直泊白沙欲殺許瑞是晚大雨颶

風夜作瑞舟盡覆衆以為周太守德政所感五年春正月賊

掠木瀾掠百餘人時各官赴雷州考察報至直

指趙焯命同知陳夢雷哨兵討之二月賊大至

掠白沙鋪前百餘人去復寇澄邁史朝宜遣指

揮趙雲龍督兵援之三月倭二十五人自廉州

奪船渡海登臨高突至海口城據四門大肆劫

掠遂由文昌下場竊船遁之先二月戊午有黑

起漸近東北踰月秋七月李茂悉眾南下而寇至蓋共應云

史朝宜遣高卓督師追之茂瓊山小林人也年

後歸林容為四鴻主從寇麻錫密戒部黨無擾

其鄉且諭里長以逃回意容敗眾立茂卓攻茂

乃去八月兵憲史朝宜命高卓下昌化自由陸

路督調及至僭命石子方帥舟師先去留卓

卓續發卓不自安以二舟遂行與賊戰於前茶

頭殺賊首王聰及其部百餘人茂等窮促乃以

小舟繞後放礮卓為所中憲令麾下彼已甲冑

督戰益力殺傷不計賊乃敗去走昌化先

有大昌隕於海及是夜卓以劍痛歿自賊縱橫

遇之輟切是役也卓以二小舟突賊二十七舟

及招安後每歎曰海南將官皆如卓安有賊乎

嗚呼若卓者可謂有能之將矣六年春正月賊許萬載犯澄邁

劫殺十餘都數百人復入新安港攻臨高通判

院彬率典史林邦達土舍王經等勵兵鼓眾填

橋障水淹沒城下賊不敢入始殺賊百餘級生

獲十餘功賊乃潰走二月漳寇莊酉引倭三百

登城典史施可材率壯士操巨斧碎其首賊乃

渡河掠瓊山博通遊擊晏秋元不肯出敵莊西其鄉

也賊益橫肆發塚索金後發侍郎鍾芳墓雷震

電賊驚始東渡河掠石門諸處離海百餘里無

不殘破閏二月許萬載圍昌化知縣林應瑞率

百戶薛元朋防禦已巳夜三面夾攻生員林應

魁見勢急持刀拒敵面被創刺典史林祚射傷

賊三十餘乃退李茂大艚自崖開洋直犯萬州

復入博教港攻樂會焚官民廨舍掠子女并攻

會同遠近騷動莊酉復率倭奴從中寇瓊山文

昌海南事勢一時岌岌壬申倭入掠蛟塘等邨

晏秋元按兵不進復攻文昌縣官望風先去賊

縱火燒公私廨舍惟文廟僅存入那廓等都遣

人結連李茂大集清瀾州縣皆殘郡城危甚海

北道許孚遠引兵至人心稍定同知陳夢雷議發鄉兵人情恟

恟許孚遠止之督府欲令總戎統兵二萬南來孚遠亦固拒東撫西征之計卒如所料

李茂自辛未為高卓所挫已有降意至是倭寇

入鹹水港沉舟登岸茂亦統大艚至倭始遁去

亞奪船出洋悉為暴風所覆茂即令人告招以斬獲倭解陵水時許萬載楊老等寇臨高許孚遠令晏秋元陳夢雷水陸夾攻百戶黃應龍領前鋒與賊遇秋元復縱之去眾論紛紛秋元竟自縊許孚遠蒞瓊五旬耳徂盜賊四起饑饉薦臻省糧餉則却總府二萬之師安集人心則止海防鄉兵之調棄倭奴以餌東寇而專意西方卒之西寇潛消瓊海寢兵幾二十載孰非公之貽也

萬曆元年夏四月詔赦李茂

許孚遠招茂具詳二院督府殷正茂為刻

詔款曉示通省授茂名色把總部眾陳亞觀與阿四潘大老楊文通陳德樂五人並授哨官

最狠毒陳最狡猾舊態未忘時為民害

十一月倭自海北奪船夜

泊新浦港兵憲陳復升發陸兵同李茂由海夾

攻盡擒解道賊許俊美寇犯海北指揮石子方

會把總王道成夾剿於白鴿門子方擒斬歐希

聖等七十二賊奪回貢生韓秉誠并男婦七十

餘口獲白艚船十四隻二年夏四月指揮牛啟

督修白沙兵船適白叅將追賊林鳳西下調集

海南北寨夾剿賊遂乘虛突入白沙牛啟不敢

去遂為所掠五月林鳳駕大艘一百二十隻泊

清瀾港以名帖買瓜菜千戶丁其運激怒率黨
攻入值大雨堞壞賊遂登城百戶蔚章賊尸分
之軍民商蛋被掠殺者二千二百人越三日追
兵至始遁去六年四月總督凌雲翼既平羅傍
乃檄茂等親見以辨真偽茂不得已遣陳德樂
以千金往八月賊林道乾大船至聲言欲攻李
茂郡城戒嚴乾駕十餘艘入清瀾港縱掠又之
萬陵兵遣舒大猷自將兵沿海剿捕道乾遁去
李茂往督府求加水寨職名仍託名出哨入池

取珠奸徒蠅附不可禁八年李茂雖有殺賊功
然每操舟犯禁舒大猷乃送茂子日新德樂子
仲仁入學以寓勸化然澳黨猶利在珠池屯聚
不散十六年戊子三月直指蔡夢說按瓊召李

茂陳德樂入郡示以包荒不殺之仁諭以禍福
更新之義茂等感泣庭下即令其蹴移城居安
插馴帖目為新民數里舖前冠藪數百間廬舍

浹旬焚盡部衆黨與散處却落歸農

按海黨揚

為海鯨蔡公伏斧親諭處置得宜不減裴公之處蔡而瓊至是無海灣至是無黨厥後一賊不

終保其首領妻孥然當時海濱賴以安堵皆公之賜也 十七年春正月雷

廉遊擊陳居仁與把總童龍賣池通盜廣寇陳鏡等連艘百餘出沒池中總督劉繼文令總兵李棟率舟師往剿所部遊擊沈茂欲憑兵威挾索灣賄乃令珠賊梁與等供板陳德樂盜池狀叅將楊友桂亦利得賂遂誘德樂李茂入擒之搜捕餘衆於是沙鍋頭陳良德二老陳守華蔡兌成及茂家人那麼等槍桐槽船七隻叛出二月自木欄港抵清瀾港劫兵船突入所城駕

抵文昌城署縣訓導林立犒功借酒乃退萬州東灣等邨又入陵水桐棲港遠近震動兵憲孫秉陽郡守周希賢發兵進剿蔡克成陳守華被箭火歿陳良德逃去犯文昌夜復回舖前抄掠總戎兵至乃遁之海北廣海兵至直前挾攻賊妻鍾氏披紅挂率賊歿戰官兵多傷北津分總吳振夏并力夾攻賊潰擒斬十七人并俘鍾氏三十二口時德樂被繫叛黨陸續就擒德樂乃碎金服之不歿被齧舌自盡督府行查各

賊家產報奪復四月陳良德等駕七艘北寇吳
川茂家人那麼等駕五艘剗海寶山造船欲回
盜池被安南國兵擊殲之餘衆遁回舖前縱女
登岸散去諸邨居民官兵乘機擒解濫及無事
死者甚衆各哨軍兵夾追陳良德擒之并賊首
李朝華等六十四名同李茂陳德樂等解軍門
斬首示衆婦符氏子李日新陳仲仁等各發大
臣家為奴田宅入官始罷灣藪當時遂立舖前
巡司

萬曆三十一年二月十四日有賊船突至崖州北
蛋港燒燬兵船二隻劫掠民邨千戶洪鑒朱機
問邊遠戍奴獄

國朝

康熙元年賊揚三數十艘至舖前掠五百餘人官
兵援剿相持數日乃去

二年賊揚三復駕巨艘入清瀾劫米船汎守陳
廷昭固拒後郡兵至賊始遁

邊海外國

西洋國

安南都統使司

在瓊海正西南東至海三百二十里與儋昌相值南接占城界

一千九百里東南南洋可一日程西至雲南北至廣西

占城國

在瓊州西南東至海一百二十里西至瓜哇南接真臘北連安南東西五百里

南北一千里

真臘國

在占城西接蒲甘南連羅希北抵占城東至海西

瓜哇國

在真臘南海中洲上東至海一日泛海半月至崑崙國南至海三日泛海五月

至蕙門荅刺西至海四十五日北至海四日西北泛海十五日

佛齋國又十日至柴歷亭

三佛齋宣慰使司

在占城南相距五州前瓊人

常被劫掠地

暹羅國

古赤土也在占城極南本暹與羅解一國後為一東接波羅刺西波羅安南詞

羅王北距大海地方數千里

渤泥國

在西南大海中瓜哇屬國也南去瓜哇十五日程北至佛齋十四日程東至占

城三十日程前瓊人被掠常鬻於此多有盜船逃回者

滿刺加國

在占城南自三佛齋順風八晝夜可達

蕙門荅刺國

在占城之西洋中古大食國也南接雲慈嶺西北

大秦相連自滿刺加順風八晝夜可達

錫蘭山國在西洋與柯扶國對峙自蘇門答刺

佛朗機國在爪哇南其人好食小兒以火銃

以食海南汪鉞兵擒之

柯枝國在錫蘭山南以別羅里為界

瀋山洋國在別羅里南順風

大小葛蘭國在錫蘭山國西地連暹羅

木骨都東國在大小葛蘭國西順風

古里國在瀋山洋國南

小刺哇國在古里國南順風

忽魯謨斯國在古里國西順風

刺撒國在忽魯謨斯國西

阿丹國在刺撒國西順風

天方國在刺撒國西四十晝夜可達

東洋國

流球國在東洋大海中當福建泉州東順

日本國在倭奴也後自耻其名而改之在東海

國本

黃支國民俗畧與珠崖相類其州甚大戶口甚繁多異物

韓國有七千餘里其地大較在會稽東治之東與朱崖儋耳相近

安南一路自驩州東二日行至唐林州安遠縣

南行經古羅江二日行至環王國之檀洞江又

四日至珠崖唐書地理志

宋仁宗朝胡則為廣南節度使有外國船遭風至

瓊州告乏食不能去則命貸錢三百萬吏曰是

人狡詐則曰彼以急難投我可拒而不與耶已

而償所貸如期

乾道八年占城來買馬人徒甚眾瓊州不受怒歸

肆行劫掠淳熙二年詔帥臣張栻草書付瓊管

司諭以中國馬自來不許出外界令還所掠人

口自今不得生事三年占城發回所掠人口見

存八十三人至元初駙馬唆都右丞征占城時

納其國人降并其父母妻子發海口浦安置立

營籍為南番兵今已無存其在崖萬者亦皆元

初因亂挈家駕舟而來散泊海岸謂之番方番

浦今其人亦皆無存

明永樂四年石所百戶王昇前所百戶趙忠隨征

交趾留忠交州六年百戶黃勇運糧亦暫留守
禦七年調征富良江劄營

宣德四年欽差內官俞端調本衛百戶項貴統精
銳軍往暹羅等國公幹

吐番貢物經瓊州必遣官輔護暹羅國洪武三
十年正統十年天順三年貢象方物占城國宣
德四年貢方物正統二年又貢十二年貢象十
四年貢方物天順七年貢白黑象成化七年貢
象虎十六年又貢虎弘治十七年貢象正德十

三年又貢滿刺加弘治拾捌年貢五色鸚鵡各
遣指揮千百戶鎮撫護至京

黎情

瓊郡有黎相爲表裏生熟互異叛順靡常而勦
撫並行置畫宜審故列之於篇以著殷鑒

原黎

漢元封元年始畧地爲儋耳朱崖郡乃唐故瓊
管之地也其地有黎母山諸蠻環居其下山之
水分流四郡山之上傳有人壽考逸樂不與世

接但覺水泉甘美而已其去省地遠不供賦役者不生黎質直橫悍不受欺觸不服王化亦不出爲人患足跡不履民地而自相讐鬪居民入其地以熟黎爲椶以木爲弓以竹爲弦鐵鍬無羽出入不釋手以標刀爲戈以角爲甲器用土釜斝瓢飲用椒酒以擊鼓爲樂以射獵爲生以刻箭爲信誓以割鷄爲問卜重報讎有殺其父祖及鄉人者易世必復地產沉水蓬萊諸香漫山多檳榔子小馬翠羽黃蠟之屬結茅爲屋如

覆盆上以居人下畜牛豕服布如單被穿中央爲貫頭吉貝爲衣兩幅前後爲裙闊不過尺捧不至膝推髻跣足挿銀銅釵花幔纏頭腰戴藤六角帽婦人高髻釵上加銅環耳墜垂有衣裙皆五色吉貝無袴襦但繫裙四圍合縫穿而繫之曰黎福女子將及笄置酒會親屬女伴自施針筆湏爲極細蟲蟻花卉而以淡粟紋編其餘地謂之繡面奴婢獲則否死不哭不粥飯惟食生牛肉以爲哀痛之至鑿圓木爲棺塋則昇觀

而行令一人前以鷄子擲地鷄子不破處為吉
 穴與省地商人貿易甚有信不少受欺給商人
 信則相與如至親借貸不吝或負約見其鄉人
 擒之以為質枷以橫木必負者來償始釋凡負
 錢一緡次年倍責兩緡倍至拾年乃止以上生黎
 黎舊傳本南恩藤梧高化人多王符二姓言語
 若六處鄉音因從征至者利其山水田地占食
 其間開險阻置村崗以先入者為崗首同入共
 力者為頭目父死子繼夫亡婦主又多闢廣吉

命有納糧當差之處有納糧不當差之處性習
 為橫不問親疎一語不合持方刀相向其妻當
 中一過即解坐無尊卑病則搥牛祀鬼喪葬則
 斬牛待客春則鞦韆會鄰崗男女粧飾來遊携
 手並肩互歌相答名曰作劇有乘時為婚合者
 父母率從無禁婚姻不避同姓近生黎者其習
 俗與之同近民居者習俗與齊民等爭田奪地
 起讎鬻屠牛聚眾構生黎以為州縣之患以上熟黎
 按黎分生熟二種有此地即有此人人生黎雖獷

得不服王化亦不出為民害為民害者熟黎耳
初皆閩裔蕩費亡命及本省土人貪其木田占
其居食本夏也而黎之間有名為貿易畜其香
物之利實為主謀乎以叛敵之方往往陰陽生
黎憑陵猖獗吁此古今黎禍之媒孽也
諸黎村尚

瓊山黎東曰清水尚嘉靖貳拾壹年編為東黎今
改開文見立里甲編差南曰南岐南椰南虛琅
環南冲居采嶺平沙灣居碌居林九尚前編為

西黎都

今仍
其舊

澄邁黎南曰南黎今為一都二都水土平善西曰
西黎今為一都終都尚圍於風氣前常出為民

害

臨高黎尚大率有八曰墳營曰坡頭曰那律曰番
吉曰畧遠曰番溪曰松百曰重遠八尚皆以番
豹山為險只容一人入過此十里則西至重遠
坡頭等尚東至番溪等尚南至番灑等尚前常
出為害

定安黎南曰南閭崗

去縣三百里

地平曠民樂居之見

克里甲惟光螺

在縣西南四百里

思河

在縣東南三百里

原係

崗出沒之衝前常出為民害

文昌黎曰斬脚崗治平已久田地經火入有司可

以不患

樂會黎曰縱橫崗

去縣四百里

北接思河光螺南接萬

州青山聲勢相倚馭失其道嘯聚為亂

儋州黎視諸處最蕃昔梁隋間儋耳歸附者千餘

崗指此今生熟凡五都曰抱驛曰黎附曰順化

曰來格曰來王弘治五年招至桐橫一處嘉靖

九年招至脩途打松蕃洋下台那婁大落影打

爽水頭八處東黎屬土舍崗首部領南黎屬州

部領其餘自耕食不屬州

昌化黎散處山谷不相統攝與民雜居不為寇害

舊有土職二員以招黎為名既歸有司遂不復

領於土舍

萬州舊有民黎九都熟黎九十三邨西南則鷓鴣

啼崗去州一百二十里與陵水黎亭等崗潛通北則龍

吟崗去五與思河縱橫二崗潜通不復統於土舍前時出為害

陵水黎北有黎亭去二南有嶺脚去三嶺脚

由葫蘆門而出黎亭由黎羅而出又有東北崗

有大牛嶺小牛嶺為黎人往來必由之路前常

出為寇

崖州黎其地多於州境其人十倍之分東西二界

生熟半熟二種前屢為患羅活千家為甚德霞

抱顯次之

感恩黎附版籍者什九不附者什一與民雜居無

他志患在崖之生黎切近出没孔道有二一自

我茶總路分入陀興必改一自湍麻嶺總路分

入嶺頭白沙前常出為患

撫黎

吳大帝欲遣偏師取諸州及珠崖以谷陸遜遜上

疏止

梁陳隋譙國夫人馮洗氏世為南越首領壓服諸

越收降儋耳歸附者千餘崗詳名

唐貞觀末王義方敗吉安丞招首領選生徒開陳經書行釋奠禮清歌籥登降跪立人人悅服

中宗時宋慶禮為嶺南採訪使時崖振等五州首領更相劫掠慶禮身到其境諭以大誼皆釋仇

相親詳名

宋太平興國間李崇矩為瓊崖儋萬四州都巡檢使黎賊擾尚崇矩悉抵撫慰以已財遺之衆皆

懷附詳名

至和中黎人符護嘗犯邊執儋州巡檢慕容允則

及軍士至是以軍士五十六人與允則來歸

政和間筦帥郭晔乞置澄邁西峯寨臨高定南寨以防黎人由是道路無梗

宣和間符元亨與儋人陳大功招撫三十餘黎入

貢補承信即賜尚誥令子孫各以官名承襲世為尚首大功亦補下班祇應官至融州巡轄

乾道二年從廣西經畧轉運司議詔海南諸郡倅守慰撫黎人示以朝廷恩信俾歸我省地與之

更始其在乾道元年以前租賦之逋負者盡免

之能來歸者復其租五年守俸能慰安黎人及
 收復省地者視功大小為賞有差失地及民者
 有重罰六年黎人王用休為亂權萬安軍事同
 主管本路巡檢孫滋等招降之九年八月樂會
 黎賊劫省民焚縣治黎人王日存王承福陳顏
 招降之瓊管安撫司上其功借補承節即詔許
 子孫襲職

淳熙元年十月五指山生黎尚者王仲期率其傍
 十崗丁口千八百二十歸化仲期與諸尚者王

仲文等八十一人詣瓊管司詣顯應廟研石歃

血約誓改過不復抄掠犒賜遣歸瓊守圖其形

狀衣製上經畧司。淳熙間萬安軍黎蠻竊發經

畧司選靈川令黃疇若籌畫招捕事宜。八年詔

三十六崗都統領王氏女封宜人初王氏居化

外累世立功邊陲皆受封爵紹興間瓊山民許

益為亂王母黃氏撫諭諸崗無敢從亂者以功

封宜人至是黃氏年老者無子請以女襲封詔從

之嘉定九年詔宜人女吳氏襲封統領三十六

上至七年三條
查宋史係詳也

尚九年管帥韓璧出入阡陌勞來不倦期年成
化黎人感慕願供田稅十二年正月樂會縣白
沙尚黎人王邦佐等率賊五百為寇殺掠官軍
保義郎陳升之撫降其衆俘獲林智福等瓊管
司上其功十六年瓊管司言大寧砦人黃弼沉
摯有謀遠近推服詔以弼補承信即彈壓本界
黎尚末年崖守周廓遣熟黎入諭撫得五十餘
尚出城市貿易

慶元初通判劉漢脩崇郡學講明道義激勸生徒

延師訓導黎僚獷悍亦知遣子就學衣裳其服
破踵至者十餘人

端平初劉椿知萬安軍買扶諸尚黎聞風相率至
贖納款願隨土貢獻

元至元十六年朱國寶為海南四川宣尉使訓兵
息民黎人降者三千戶蠻洞降者三十所十八
年招降居亥番毫銅鼓博吐桐油等十九洞

天曆二年生黎叛服不常海北海南道宣尉使按
攤威望素著生黎王高等二十餘洞皆願輸貢

稅

元統元年南寧軍達魯花赤特穆實招降江花落
基諸尚首符富等一百九十名向化。二年十月
中書省奏准依廣西屯田萬戶府例置黎兵萬
戶府

明洪武元年大將南征師駐廣東遣使開諭海南
諸部南寧軍土賊陳薦官等望風降附先元至
正十八年上豪吉天章逼昌化縣尹黃半山奪
其印自尹其縣二十二年薦官稱元帥始追出

縣印令其下會洪山據之至是乃降二年文昌
萬州黎尚梗化六年癸丑陷儋城指揮張仁領
軍削平大邨七方等寇厥後儋之寇首符那欽
及我底落梅新洋等洞拒殺官軍指揮張信千
戶方順張德等節次收捕

洪武間州黎殺人報讎知府王伯貞捕讎殺者數
人遂定

永樂二年甲申大學生崖州潘隆建議招黎授以
知縣職名齎檄來諭後無功伏誅明年乙酉委

梧州府通判劉銘遙授縣丞封川歐可誠繼以
僖之黎者王賢祐爲同知持勅親臨招撫續遣
黎尚者宜倫符添慶黃儂狗萬州符森崖州黎
讓瓊山許志廣臨高王儂狗澄邁王朝冠定安
鍾異樂會王存禮等招到桃花擁糠抱懷羅橫
丹臘縱橫等生黎邨尙相率入朝各驗其招撫
多寡受賞除官有差專一撫黎不預他事復陞
劉銘爲知府歐可誠爲推官亦不管府事後銘
卒於官壬辰以刑部郎中黃重繼爲知府因土

官侵害黎人累經奏聞

永樂三年招黎勅諭黎尙民人諭曰朕奉天明命

嗣守太祖皇帝洪業四方萬國悉來朝貢尙念

爾等以蕞爾之地遠處海南州郡之中仰慕聲

教蓋亦有年第因有司不能招撫無由自達今

特遣知縣潘隆土人邢萬勝陳胤符添成蒲幹

符添慶王歪頭齋勅往諭爾等體朕廣愛之心

共相議讓數人同使臣來朝朕即續給賞賜俾

回田里以安爾衆使爾子子孫孫永享太平之

福故諭

永樂四年復安撫黎人勅諭瓊山縣南岐邨黎首
陳忠等諭曰恁每都是好百姓比先只爲軍衛
有司官吏不才若害恁上頭恁每害怕了不肯
出來如今聽得朝廷差人來招諭便都一心向
化出來朝見都賞賜了回去今後恁邨崗人民
都不要供應差撥從便安心樂業享太平的福
但是軍衛有司官吏軍民人等非法生事擾害
恁的便將着這勅諭直到京城來說我將大法

度治他故諭

宣德年間革去撫黎流官正統五年知府程瑩奏
革撫黎土官黎人自是總歸於府民黎大稱便
矣

正統十年知府程瑩指揮陳英諭撫崖州黎符危
向化招回逃民羅討等四十八名

成化八年署都指揮王燧委指揮李泰督萬州樂
會統軍招撫鵠啼太平等六十七村崗生黎
巴旺巴島等五百八十七名向化

成化十二年副使涂棐都指揮李祐招撫千家邨
古鎮州黎賊符那玉等向化二十二年通判丘
端同指揮李泰招撫加凌等邨黎那允等一百
四十四邨向化

嘉靖二年已誅賊符南蛇從子崇仁文龍卓立
殺諸黎副使胡訓命州同顧玠撫之時以玠撫
黎有功陞秩二級八年樂會生熟黎亂知縣添
魯抵巢招撫衆俛首服懇留款數日諸酋長率
所部數百送之還邑十一年潘守蕭弘魯招高

眼等千六百家立爲順化都十八年定安縣知
縣徐希朱立招黎老人朔望引黎至縣參謁時
定黎效順

萬曆十九年瓊山居碌等尙黎叛通判劉世懋單
騎深入招撫諸酋悉服兵巡孫秉陽上其功於
撫院請於朝特降印一顆使得便宜經畧督捕
廳兼撫黎自懋始三十一年以瓊黎黎馬屎平
後請設撫黎通判一員專管黎事至四十三年
因羅活黎亂通判葛經乘擾貪墨不靖按院題

請裁革四十四年該叅將何斌臣會同知州會
邦泰差官兼里排招撫儋州黎岐惡來催頂等
八十邨刻箭承認糧稅編冊

平黎

漢武帝末黎蠻攻郡殺太守孫幸幸子豹率衆討
平之

唐乾封初瓊東南諸鄉沒於山峒蠻至德宗貞元
庚午凡一百二十四年嶺南節度使李復始
收克之

德宗時珠崖黎氏三世保險不賓遣嶺南節度使
杜佑討平之

咸通五年命辛傳李趙四將却兵擒黎峒蔣璘等
於瓊山南境今定安西南峒中置忠州

宋靖康中逆賊王文滿寇臨高民禱於昆耶神即
山神以蜂蠆驅之敗潰至紹興三十年廣西運判
鄧酢上言遂擒王用賓等平之

淳熙初知萬安軍趙絳以峒黎王集結三峒判乞
師剿平四年萬安南峒王利學寇省地知軍湯

鷺討平之

嘉定初瓊山逆賊王居起創亂屢撫屢判紹定四年復大寇僭號南王殘害臨澄昌三邑瓊州城門盡閉事聞遣將討之明年夏居起傳首餘黨

悉平

有一龍平黎頌及陳德裕黎順亭記見詳舊志

咸淳六年春瓊黎犯邊以欽守馬成旺征之成旺與子撫機間關數十戰恢擴省地乃命撫機額筦寄截黎出入諸崗始不敢肆

元至元十八年宣慰使朱國寶破臨高蠻五百人誅首惡李實焚其巢二十八年平峯路安撫使陳仲達詣闕陳平黎策授海北海南道宣慰都司元帥命同廉希恕等將蒙古漢軍順化軍七千二百人益以民兵一萬四千汝諸黎仲達病卒湖廣行省平章闊里吉思以分省督師命仲達子謙亨領萬戶統諸兵副元帥王信伯顏于思萬戶教化孫韓旺楊顯祖副使林應瑞副萬戶秦彪千戶恭有閭鎮撫高佑廣西宣慰楊廷璧等分兵統剿至又明年七月被召還朝乃以餘

賊副都元帥朱斌斌統兵深入人跡不到之處
黎巢盡空。明年甲午春刻石五指黎婺而還凡
三歷年剿平各州縣清水等崗誅符十九等渠
魁降附者不可勝數得崗六百戶口二萬三千
八百二十七招收戶口一萬三千四百九十七
從省幕烏古孫澤立議寨學訓諭諸崗奏置屯
田府立定安會同二縣萬全一寨有陳國賢平黎記並張應
翁頌詳舊志
大德中王文河寇臨高樂會王應嘉寇澄邁安撫

使奧里天祥討平

皇慶壬子王交一作高寇會同天祥為閩帥復討平

之

天曆初瓊山黎招亾為亂主簿譚汝揖請兵設計
討之

至順元年王官福等至是復寇乾寧界譚汝揖與
萬戶劉成分守之賊復寇石山等處汝揖與子
康力戰康遇害澄邁王六具亦寇臨高逼南寧
軍判羅伯龍義兵誅之王官福復由東入寇汝

明史紀事本末 卷之三
揖渡江出救與守將設計大敗賊黨

元統元年詔行叅知政事完澤會諸道兵進討瓊
黎自至順元年以來東西諸黎皆亂二年乃命
湖廣行省右承劉耳刺領江西湖廣二省兵復
調廣東福建兵共討之耳刺未幾卒始命完澤
督兵進討譚汝楫請先死戰以絕其根株澤因
下受賊金以間竟納降而歸

明洪武二年永嘉侯朱亮祖師擣雷州威聲所至
黎首吉天章等奔走聽諭惟樂會小賜肖賊長

王官恭頰兵不散亮祖統指揮耿天璧等將大
軍抵其地敗走其衆各峯熟黎出官附籍認供
租稅惟深峯生黎尚恃險阻未歸繼而萬州熟
黎王賢保等僭之黎首符均勝等崖之千家等
邨羅豈等瓊之符進福等文昌之王伯琪澄邁
之王四官王觀平臨高之陳符九等賊不時竊
發廣東都司及海南衛官旗節次領軍收捕之
六年指揮張仁收平僭州黎寇大邨七方等峯
十年會同及感恩抱來等峯至二十七年崖州

澄邁儋州等諸黎復亂指揮牛銘曹源等討平之二十八年崖州千家邨定安光螺文昌白延等處黎亂都指揮花茂同指揮石堅牛銘千戶崇實等討平之二十九年昌化黎賊符公魂等亂指揮石堅千戶徐真統軍討平時萬州鷓鴣啼王得隆亦寇亂隨收捕之

永樂四年崖州羅活崗黎賊作亂都指揮花茂討平之

洪熙元年定安黎王觀狗等叛亂燒燬縣治都指

揮程昶黃瑀等督軍討平之繼移兵征樂會上郎等邨王莫等寇隨平

成化五年儋州七方黎符那南亂都指揮王燧討平初那南等與土舍王賦構亂二年春韓都御史給榜開諭那南因散掠劫自號南王十一月都指揮王燧統軍征剿賊憑險阻屢敗我軍相持月餘後乘雨夜夾擊十二月乙亥始破那南敗走明年正月丁酉追至落賀洞因剗餘黨符英等三月壬午擒之戊申班師十一年儋州落

寧尚符那推亂兵備副使冷棊都指揮李祐統漢官軍及黎兵進討十一月壬戌攻破巢穴明年二月平之

弘治三年陵水縣黎亭等尚黎陳那洋等作亂冬十月兵備副使陳英叅將姚英統漢官軍進討甲辰抵加梳山十一月丙辰至大播山與賊對敵平之乙亥班師十五年冬十二月癸亥僭賊符南蛇平南蛇者七方尚黎也先成化初土舍王賦欲併七方致符那南之亂官軍平後其侄

符那月者率南蛇父族定欽等諸黎皆告出州

徭役後王世偉

世偉乃欲吞併七方之後裔

惡其異已止懼

所部或效之十四年七月丁未以官役頻繁遂

唆南蛇等讐殺那月不獲賊因劫殺作亂刻箭

傳達諸州縣黎尚聞風響應閏七月丙申擁衆

萬餘圍僊指揮周遠櫻城固守八月丙辰圍昌

化千戶王韶大開門受敵賊懼不敢攻鄉落迺

難者得入依附九月丙戌分寇臨高指揮張詡

孤守危甚丁亥都指揮湛鉞聞急奮援賊大敗

而退未幾鉞卒賊復肆出港鉞廉州衛借職指
揮陞廣東都指揮僉事性英俊有文武才畧好
用竒策十二月庚子省軍抵儋州都指揮何清
住劄於州之保吉孤營無備甲辰爲賊所劫兵
不得列戰叅議劉信遇害死者不可勝計自是
賊勢益熾郡城驚動至是伏羗伯毛銳始以兩
廣總兵統漢官軍狼土兵十萬至儋嚴令誓師
叅將馬澄等分軍進擊破其中堅丙寅南蛇獨
擁精銳出敵指揮周遠奮戰督家人周賀周紀

斬賊南蛇中箭赴水死餘黨以次削平州縣大
安

正德二年崖州千家邨亂三月甲子副使王倬親
領崖昌儋軍土兵討之賊遁遂焚巢穴而歸釋
放所獲逋逃民爲立祀祀報七年萬州鷓鴣龍
吟等尙黎鄭那忠等復出先于弘治甲子殺督
備指揮谷泰後愈構樂會縱橫陵水黎亭等黎
會應勢日昌熾督府因被害民王昕等奏聞始
委兵備副使詹爾統官軍兵約五千征剿三月

癸未遣指揮王琥等四路分進期癸亥會哨於
中地草唱爲土舍泄機賊多屯匿縱橫尙大連
山麓西哨指揮趙槃曳兵走出熟黎長沙邨逗
逼不進東南二哨指揮高煥周世英千戶王韶
等是日亦止遠營於太平邨隨征指揮陳振入
覓空邨見數賊先馳歸情隨旗軍皆遇害既夕
賊乘劫民兵等營殺傷數多煥等遂掣往南山
路出惟北哨指揮王琥抵會所見賊空巢焚之
時璽駐劄於張牙市聞太平營爲賊劫遂散師

而歸黔驢枝露猛虎愈肆是後之謂矣末年崇
黎相尋爲亂知州陳堯恩千戶胡世傑調熟黎
兵二次剿平繼又大亂副使胡訓親督兵分三
哨大破之

嘉靖十三年瓊山沙灣居林渠賊黎佛二叛劫營
殺死典史千百戶各一員知府蕭晚謀於兵備
游璉令經歷顏吉縣丞高明督土舍許丞宣招
降旁賊出掠者皆至晚厚賞授以芳畧俾誘渠
賊設伏擒之璉遂督指揮王守臣集兵分哨

巢群賊皆遁十八年萬州黎賊那紅那黃以千
戶萬人傑激變入陵水嶺脚黎亭大亂副使陳
大珊令指揮張世延等進剿遇賊伏兵并一百戶
于溥項檜俱力戰死賊勢大熾都御史蔡經總
兵柳珣參將程鑒二十年調田州向武等四兵
十萬二千分三大哨參將張岳統中由昌化進
剿德霞等處副使陳茂義統左由萬州進剿
節溫柳根食事商大節統右進剿黎亭等處九
月十三日斬獲賊級五千四百八十六顆奏聞

珣加少保經陞兵部尚書張岳茂義大節
一級各賞賚有差二十八年崖州州官黃本靜
激變黎那燕屢撫不下巡按御史黃汝桂奏聞
巡撫歐陽必進移鎮雷陽調兩江土官目兵會
鎮守廣西副總兵沈希儀左參將武繼為都司梁
希孔守備張琮分三哨中入自感恩左入自陵
水右入自昌化抵其巢穴斬首五千三百有奇

隆慶末年登邁王佛陳王希賢王枝等劫掠鄉鄰
知縣顧孟知選兵剿撫鄉民許貴卿報效萬曆

元年斬希賢佛陳等三十六功破其巢穴遺下
荒田五十七頃入官

萬曆十五年萬州長田等黎出劫長沙營殺官軍
副使易可久報撫院起兵三千餘參將王椿同
知董志毅訓導林立分道進剿十六年臨高黎
黎黑三構黨燒南定一帶居民本道易可久遣
志毅監軍林立領哨平之二十六年瓊山黎
林九級自黎城劫掠為寇帶管本道參政
...

撫參同知經仁木統兵入剿授以方畧擒獲居
碌賊首黎坤和解報即年澄邁縣畧遠尚黎叛
指揮唐應明募集鄉兵剿平招順十餘鄉時給
該尚田賞功二十七年瓊山居林等尚復叛黎
首馬屎倡亂捉人妻女定安臨高諸黎應之勢
甚猖獗四方紛紛告害郡守李多見極力申文
出示告衆誓必滅賊同帶管本道余嘉鯉請兵
征剿部院聞其事行委雷瓊二府同知萬煜經
仁木監軍檄雷廉副總兵黎國耀東山遊擊鄧

鐘瓊崖叅將莊渭揚率兵三路進攻李郡守亦
 招募鄉勇黎兵三百餘名以生員王觀梅等帶
 入水蕉邨應援遊擊鄧鐘部兵三路長驅而進
 指揮趙孟麟窮追馬屎至軋脚岐界即日擒獲
 次賊首王蓋老等與馬屎妻屬俱為諸部將兵
 獲解斬首級者不計大小剗黎始平後副使程
 有守詳議設水會所於馬屎巢穴即水蕉邨委指揮
 趙孟麟牛政築城置叅將府調千戶一員撥各
 所軍三百名守禦置有屯田按黎馬屎之叛初
劫定安龍塘邨

氏女子入嶺致官兵進攻以熟黎誘之始將吳
 女釋歸副總兵黎國權帶兵突進被寇掠營潰
 散而出繼動大兵協剿乃獲首從平之安插黎
 邨今併居林居碌沙灣等嶺為都審納糧編差
 附近黎民
 始有寧宇
 四十年冬崖州黎岐那兩那牙那定

等告結羅法是請嶺中聚逃民置器械焚邨劫
 掠歲無寧日衆願軟盟協剿仍請官兵土舍助
 其聲勢時署州事萬州判塗必達申請知州林
 應林續申叛黎為害懇兵應援巡道姚履素通
 詳撫按四十一年正月令把總會國標同千戶
 陳廷策鎮撫益延慶分總薛鴻勳領兵攻剿撫

黎通判葛經復令士舍符起鳳諭撫劉撫相乖
致抱由背盟反戈助羅活射死薛鴻翔巡道詳
委指揮趙孟麟同把總會忠相機剿撫仍令符
起鳳縛首惡正罪會忠遠令潛進邀功遂致取
敗起鳳亦被射死黎遂鷓張十一月調南頭副
總兵張萬紀雷廉副總兵楊應春遊擊袁應兆
統兵進攻是時諸帥躁者逞於一擊而怯者聽
於兩可矣無紀律賊遂乘焉以致大敗總兵張
萬紀參將張守貴後先憤殞賊勢益熾旋委

孟麟提督主客官兵防守時通判潘大熙署
事睹黎猖獗創高邨營於州東把總吳業提熟
黎張那驗等解州枷釘黎遂蜂起攻陷樂平營
圍州城危如累卵潘大熙躬率軍民偕趙孟麟
龍兆熙何其鳴捍禦以待援兵後上命總兵五
鳴鶴督各路官兵并西粵狼兵雲集征剿以中
道蔣光彥督餉巡道姚履素監軍預令會書五
選提兵東入羊欄督兵西入望樓而崖之東西
路始通自石門開運道而糧餉無阻十一月丙

寅誓師七路攻擊甲戌叅將葉應春領西三路
兵衝鋒斬首一顆而軍聲大振戊寅副總兵黃
越領西一路兵衝鋒斬賊七顆而賊膽遂寒十
二月己卯羅由集黨挑戰副總兵楊應春領東
一路兵擒斬四十八功而賊勢披靡於是各帥
兵熊大經葉思義王選王熙趙孟麟等聞炮會
攻破柵焚窠天風颭發震響如雷擒斬一百五
十餘功諸賊焦爛墜崖河者不可勝計抱由既
破羅活諸賊自焚窠穴聚衆逃竄諸軍長驅而

入追奔逐北招降捕叛未浹旬而羅活平時紀
功推官傳作霖開陳利害仍請搜山捉獲渠魁
那保計後先擒賊首那臭等一百八十二名斬
獲首級四百一十五顆俘獲賊屬男婦二百二
十四名口招出降黎一萬五千三百五十九名
口於是遣將葉思義王中耀先守二地時陵水
廖二黎背叛劫掠副使姚履素乘大軍聲勢同
陽雷叅將葉應春督兵攻剿擒斬賊首那求那
欣等招安一十六崗而陵民獲安先羅活抱由

蕩平議築城堡設守備事甫經始而前道姚履
 素旋以致去厥後副使戴燁蒞任躬歷險阻拮
 据善後懷柔綏安卓有成績叅將何斌臣規畫
 機宜撫循遐邇保障一方知府歐陽璨心履節
 愛計悉綢繆殫力董成而崖事始定

國朝

康熙五年昌化掃蠻黎首王廷魁等劫掠大小嶼
 諸僻尚婦女牛隻無數被僻尚黎人告發副使
 馬逢臯申詳督撫命瓊鎮右營易知誘出擒之

解司死獄

先是思原梗化不服知誘擒之

康熙八年定安大河土舍王之詭等謀變知縣楊

天授申報知府牛天宿咨會總兵崔世榮令中

軍遊擊丁月桂千總楊廷把總陳飛龍統兵大

進賊巢與戰楊廷死之隨軍遇害者數人飛龍

見勢猖獗躬先士卒奮勇力戰賊潰四散迯竄

月桂厚賞旁尚黎人授以方畧俾誘渠魁斬之

是年冬之詭傳首陸續俘獲之試之諱之誌之

詔等并男婦數十餘人解報督撫得

旨處決其婦子廢大臣家爲奴

議黎

明韓俊奏稿畧曰爲今之計莫若革去土舍尙首
立以州縣屯所量撥在外軍民雜處於中防引
開闢五指山十字道路均通四處往來遍立地
方更甲嚴爲法制禁約除軍與餘丁外餘人有
持弓矢者就更甲擒拿赴官問遠遠克軍自然
數年之後老者棄弓不持少者忘弓不習武藝
自廢禮樂方興雖有官吏生事剋剝亦得如州

縣小民隱忍甘受誰敢倡爲亂階哉今土舍尙
者皆仗貨利肥家逢迎府縣聞欲建立州縣屯
所彼愀然不樂或又妄生異議然以事理觀之
必如是而後可

明楊理上盧兵備書畧曰蠢爾有二種其五指生
岐疆界由瓊抵崖不過三百餘里自儋達萬不
出二日餘程中間可立衙門候彼三八月饑荒
之時或五十月未熟之際分兵四面開示信義
若彼聽從乘此開路間有一二邨尙不服撫者

據其收成妨其耕種彼獠之性最怕火器乘虛遣人抵崗放火四面礮響如雷彼必喪膽但在慎機勿泄蓋彼乃逋逃土舍爲之探聽事情消息有事官司未舉黎崗先知而土舍崗首探報尤切更當嚴制舍此之外惟錢糧軍馬二事在加之意而已

上歐陽太守書自洪武庚戌永嘉侯朱亮祖壬子指揮張庸乙卯百戶李貴相繼興舉或方計定而他事掣肘或已加工而失處壞事至戊午指

揮蔡王建暫停之議而終不能舉者蓋因不深知地利又被奸譏蒙蔽有云山勢險阻有云嵐瘴可畏有云黎人梗化有云地高難耕有云動衆勞民不過避勞取逸耳既云山勢險阻則元帥曾抵其處什物輜裝通行無礙聞之始通之人入自思河僅六日前半路頗崎嶇岐黎款奉情極卑謹其傍呼爲百姓崗者乃天順間邵賊餘黨生息甚繁系話皆東語比岐尤勤耕作由此觀之則無險阻可知矣以爲嵐瘴可畏則父

逃軍民勾引客商在內娶妻生子舉皆無恙
以爲徭性梗化則何宋元生黎累見款降而歸
春生尚今何輸服以爲其地不毛則所耕何膏
膏腴以爲勤勞是雖不免然勞於一時而實
利於永久所謂不一勞者不求逸是也

明鍾芳憫群黎文曰予觀黎徭之俗而思人生之
始與禽獸無異聖人繼作然後生民之道立
焉瓊之黎去中土甚遠其俗去禽獸無幾矣
然其重契箭謹信約毫髮不爽怒或叛其祭

而於母也至死不悖其敦樸渾龐之風固在也
其太古之民乎使得霑聖人之化以漸之則不
日而變矣况夫聖治隆昌氣化日南環海四面
皆向風矣中間黑子之地願獨後乎董之以威
裁之以權睽而携之漸而柔之申畫封疆時經
理之舍舊圖新會於大同斯善變者也

明太守謝廷瑞奏稿本府地方黎情甚重以海外
絕島州縣衛所等衙門皆沿邊海百里之外爲
熟黎熟黎以重裘爲生黎心腹之病初以熟黎

爲藩籬有土舍崗者以管束之事久玩愒反以
黎岐爲利臣嘗詢有識士夫及老成涉歷之人
皆謂其地南北約七百餘里東西四百餘里有
無城郭之固介胄之堅其實不必集調官軍可
以刻期而致也正德四年內前任兵備副使王
倬平千家邨若反掌只用千餘人但當時獨攻
一面故近黎得以聲援相倚又機泄聞風先遁
遂不獲收其全功爲今之計必須乘其未發預
行積穀練兵揀選本地精壯官軍兵款弁鄉夫

四千餘人助以一二千土舍黎兵分道並進使
彼不暇相顧一面設計招撫使善弱者先附則
強梁者其勢自孤勢孤則巢穴可搗魁渠可
執也

明吳會期奏議黎居良民五之一宜於兵威削
平之際開通十字大路於其間大約以道里計
之自府至崖千里而近自儋至萬六百里而遙
此四至逕之一也細數之自府至沙灣三百里
而遙自崖至羅活三百里而近俱爲坦途矣度

其中未開通處不過二百里耳官軍屬武官領之民兵屬有司領之士兵屬鄉保長領之通方合作相其谿壑易其險阻假以數月而瓊崖之路可由黎峒中行矣儋萬至此其工則又殺焉四路交達度中建城量地置堡就堡立屯以攻則取以守則固矣

明海瑞奏畧臣竊觀瓊州黎岐譬之人焉黎岐心腹州縣四肢黎岐爲寇是心腹之疾也心腹之疾不除將必浸淫四潰而爲四肢之患爲今之

計莫若勅群臣中知識事機力可大任不貪富貴志在立功者以之克兵備副使以專治黎之任瓊去京師萬里當事請裁或致遲悞設立縣所限其大槩乘機審勢聽其便宜凡一切招民置軍設里建學遷創縣所屯田巡司驛遞諸事不許撫按臣等從中節制年年借用許其調廣西土兵廣東官軍打手值變故許其調用約萬人量撥一次大征銀糧之半以克其費三年後考其成功七年稽其變化之效假以節制之

柄寬其行事而久功少有成必懼其官事少不效必重其罪雖不盡心力而爲之不可得也

上兵部條議竊觀黎岐所居之地雖有高山峻嶺其中多平衍崗場膏腴田地可闢之以立縣所者甚多今據大征勦後皆人之所以常行共見者則崖州羅活崗抱由邠感恩古鎮州陵水即温崗瓊山大坡頭營儋州七坊崗凡立縣遷縣必先置所移屯其不必立所者亦宜撥軍兵數百名防守俟黎平後議撤其凡陽磨贊二都

之間乃東西南北之中可立一大縣遷海南衛並兵備道參將府於中使東西南北皆可以控制黎岐且與新立縣所爲虎豹在山之勢一感恩土瘠民苦耕作亦非要害可遷於古鎮州會同澄邁二縣亦非要害似可遷於附近黎崗一各州縣巡檢司非要害者皆遷於新立所近地或衝要里社以爲關防

一海南衛十一所屯田正以防禦寇也今其地附近黎登版籍爲良民久矣屯軍一無所爲可撥

柄寬其行事而又功少有成必擢其官事少不效必重其罪雖不盡心力而爲之不可得也

上兵部條議竊觀黎岐所居之地雖有高山峻嶺其中多平衍崗場膏腴田地可闢之以立縣所者甚多今據大征勦後皆人之所以常行共見者則崖州羅活崗抱由那感恩古鎮州陵水即温崗瓊山大坡頭營儋州七坊崗凡立縣遷縣必先置所移屯其不必立所者亦宜撥軍兵數百名防守俟黎平後議撤其凡陽磨贊二部

之間乃東西南北之中可立一大縣遷海南衛並兵備道參將府於中使東西南北皆可以控制黎岐且與新立縣所爲虎豹在山之勢

一感恩土瘠民苦耕作亦非要害可遷於古鎮州會同澄邁二縣亦非要害似可遷於附近黎崗一各州縣巡檢司非要害者皆遷於新立所近地或衝要里社以爲關防

一海南衛十一所屯田正以防禦寇也今其地附近黎登版籍爲良民久矣屯軍一無所爲可撥

其田爲民田遷軍餘別營屯田於黎峒中

一崖州昌化二所在州縣中其傍州縣居民熟弓矢常時皆能自禦海寇無俟於本所官軍今若遷崖州所於羅活峒則去崖州止一百里遷昌化所於古鎮州則去縣止七十里內可以制黎岐外亦可以禦海寇

一黎人獷悍不肯歸化者爲州縣遠絕向化無由并爲奸人所阻隔者亦多今若區處群黎當先其易而後其難旣得其易輒立縣所則難者欲

爲亂而無羽翼我勢旣壯則彼當向化矣

一黎岐歸化當編其峒首邨首爲里長所屬之黎爲甲首出入不許仍持弓矢原耕居田地聽從其便其山林可開墾并絕黎田地招外方無業民耕作結爲里社與黎岐錯居

明叅將俞大猷圖說黎岐居於三州十縣之中與吾治地百姓魚鹽米貨相通鷄鳴犬吠相聞出劫鄉邨最爲便易我兵旣集千谿萬徑皆可以適其巢穴無一次不收其成功即令經戮邨分

其遺類不甚多能據其遺地移吾兵民以雜居
之則其子孫耳濡目染乎吾民之言語習尚皆
可化爲百姓矣惜乎自古以來皆上首功於賊
勢方張之時而不能駕馭於摧敗之後能捐大
征之財數十萬於賊未平之先而斲經畧之財
數萬於善後之際彼其長養積聚之久復如
前日之盛一有所激復聚爲亂仍動大兵以
勦之費用之多殺戮之慘元氣之傷亦其勢之
所必至耳本職歷遍各崗備覽形勢撫諭各黎

熟察其情果見近經剿地方如羅活崗宜立叅
將府遷崖州千戶所於其內抱頭邨宜增設一
縣古鎮州宜立屯所各有絕黎田地以收剿平
之功仍各築城穿池以垂永久之規又各不經
勦黎崗合先區處以杜後日之患如儋州之摧
抱邨宜遷鎮南巡檢司又撥儋州千戶所官一
員軍一百名陵水之嶺脚崗宜遷藤橋之巡
檢司又撥南山千戶所官一員軍一百名瓊山
之沙灣宜新設一巡檢司及撥海南衛官一員

軍一百名各協鎮之以弭其將來之變仍各築城穿池以爲他日立州縣之基又各城池之中俱蓋叅將衙門以便周流巡視若夫道路宜通者則南北取直徑過遷設驛施以便官民往來又羅活城宜暫圍打手五百名摧抱嶺脚沙灣城宜暫圍打手二百名各於鎮壓之中寓招揀變化之術間有梗化不馴之徒相機設計去一二邨以警其餘五年之後事宜已定漸次制其土舍行令更爲里長該管黎人就編屬之以

爲甲首納糧之外不得再加差役其各州縣掌印官務將管下黎人嚴禁童女不得如前書面紋身男人務着衣衫不得如前赤身露腿其首各要加帽不得如前簪髻倒顛各邨黎童之幼小者設社學以教之使其能言識字每一年之間守巡官查考各州縣官變化各孰黎幾邨招撫過生黎爲熟者幾邨具呈撫按衙門爲殿最如此經畧漸次舉行熟黎旣不得倚生黎以爲禍土舍亦不得假熟黎以生奸不數年間皆

登州縣之版籍矣

明黎國耀條議編保甲瓊州等縣原設有排門鄉盟兵擇其豪者為鄉勇哨官或保長以領之邨落大者至百餘人小亦不下數十一聞警急即聽有司調集協同營兵防禦以致寇多不敢犯近因宦家買置庄所田名曰官庄一切佃丁鄉盟人等既獲優免即有警呼調不應甚者又有豪奴悍佃窩匿流凶奸盜莫可究詰而各官庄亦瓜分勢寡不能自衛遂至束手無措

頃者定安光螺嶺上下之事可鑒已夫前之事不忘後事之師也合無督令撫黎官親履各地方核其戶口稽其生業無論勢官一粟佃丁厮役鄉隣盡籍其壯者為兵擇其中有行能者僉為鄉勇哨官次為保長分領其衆除農隙講武外無事不許輒行差遣遇有黎岐出沒集衆防守悉聽有司營官調發敢有仍前抗違閃避者究治庶家自有守人自為戰而地方可保無虞矣

明參將何斌臣征黎善後條議畧節

一由問道而出奇兵

一審地利以據除要

一用熟黎以行間諜

一易器械以便攻剿

一禁魚鹽以困諸黎

一備飲食以防嵐毒

一慎偵探以行誘敵

一招亡命以絕敵資

一輸接濟以足軍需

一嚴禁黎以寓招撫

一紛譏謀以明暗號

一相機宜以乘時勢

一懸賞格以倡勇敢

一調狼兵以衝險阻

平亂附

吳赤烏五年秋七月遣將軍聶友及陸凱爲儋耳太守以兵三萬討珠崖儋耳斬獲有功遷凱

爲建武校尉

宋太明中合浦大帥陳檀歸順拜龍驤將軍四年檀表官軍征討未附乃以檀爲高興太守將軍如故遣前朱提太守費沈龍驤將軍武期率衆南伐并通珠崖道并無功輒殺檀而反沈下獄死

隋開皇六年十一月辛酉珠崖人王萬昌舉兵作亂遣瀧西太守韓洪討平之

宋慶曆間區希範寇瓊州廣西轉運使杜杞討

破之因伏兵擒寇六百餘人尋得希範臨之

瓊州遂平

紹興間瓊山民許益爲亂黎人王日存母黃氏撫諭諸崗無敢從亂者儋民王高叛臨高尉陳適徑造賊壘諭以禍福遂乞降

嘉泰四年瓊州西浮崗逃軍作亂寇掠文昌縣遣兵討平之

元至順二年九月丙子海南賊王周糾率十九崗黎蠻二萬餘人作亂命調廣東福建兵隸湖廣

行省左丞移刺四奴統率討捕之

至元三年萬安軍賊吳與期等聚衆三千人作亂
海南道宣慰司同知王英字邦傑益都人有大
節善騎射用雙刀王按部至賊皆就擒

至正辛卯臨高土人吳國寶等構亂焚掠沿海諸
邨鄉人討平癸巳文昌土寇陳子瑚構亂寇軋
寧州縣皆爲所有子瑚兄弟有慶腫其勢與逆
黨爲萬戶袁元貴鎮撫潘廕經歷吳紹先千戶
洪義等屯據瓊城歲丙午三月五原都人張賢

與德等倡舉義兵斬袁元貴等恢復郡城又萬
州酋首王麗珠率民兵平復萬州甲辰萬州土
寇符奴達陳交甥等竊掠居民酋首王麗珠既
平陳子瑚兄弟等又自備鞍馬兵器抵窠追剿
奴達俊甥等悉平

明洪武二年元南建州知州王官子廷金結萬州
王賢保作亂攻萬州定安等處海南分司統兵
征剿萬州酋首王麗珠定安莫真成隨領義兵
各剿平之

天順四年十一月十一日邵瑄竊發據城瑄後所
千戶邵偉男兄玉襲故瑄欲借職掌印指揮石
鑑不允瑄赴軍門報効又阻之且令竊盜焚七
許清周鄭供攀瑄積憾乘本衛官軍外調李翹
領軍鎮化州石政領軍欲往石城周元領軍探
珠城池空虛同毛等夜半越城謀殺鑑不獲殺
其子奪衛印遂據郡城稱爲號封黨與州縣皆
震動馳報守備高廉都指揮安福統指揮李翹
等閏十一月初二日於大西門對敵賊衆走散

隨追往舖前賓宰驛至水泡黎崗剿平之十二
月班師遣千戶張政解首級獻俘

國朝

順治十八年托都有土賊陳仔集黨二千餘人劫
掠邨舍遠近騷動理刑姚士升躬入賊巢招撫
賊環叩首拜降後賊性不改復集舊黨大肆焚
掠民不聊生總兵高進庫命守備李奉雲千總
許實把總周雄石可教統兵進剿賊匿入深山
時許實只帶隨兵三十餘人入山搜訪突遇賊

千餘衆許實遂奮勇當先其隨身士卒無不一
可當百斬者不計其數賊者陳仔中鎗迹命隨
搜山擒之餘黨奔散地方悉平



